



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

51 Daemon in energumenos, & cultores suos quid possit. Daemon potestatem habet super fantasiam hominis.

urn:nbn:de:hbz:466:1-10316

Rio, qui plures casus, & exempla deducit in tom. 1. *Disquis. Magic. lib. 2. questio. 16. per tot.* de quibus etiam in *priori tom. cap. 36. de sortileg.* nonnulla retulimus.

Et quamvis (ut hoc in loco id obiter adjungam) quod ad dictam corporum translationem attinet, contrarium probare videatur, *capitulum Episcopi 26. quest. 5.* tamen nullam vim illud facere comprobat idem Martinus del Rio, qui ad contraria respondens *dictum cap. Episcopi* in omnibus his partibus est interpretatus. Nam, inquit, cum dictum capitulum sit concilii Ancyranum, & sit tantummodo decretum concilii particularis, seu provincialis contra mulieres, quæ simulant seludere cum Diana, &c. de cujus à Romano Pontifice approbatione non constat, non est tantæ auctoritatis, ut, quæ per eum fuerunt decisa, certa fide sint credenda, nisi quatenus sacræ Scripturæ, & ecclesiasticæ traditioni, & definitioni sanctæ Romanæ Ecclesiæ sunt, quæ tradit, consentanea, idem Martinus del Rio, *ead. sect. 16. §. quare magis, & §. quæ & quanta.*

49 Sed, † quod striges quandoque etiam non localiter, & realiter deferantur, sed interdum in imaginatione fiant, quæ ipsæ verè fecisse testantur, tenet Syl. qui de d. cap. *Intellectu etiam scripsit in dict. verb. hæresis, §. 3. num. 7. & seq. & dixi in eodem c. 36. num. 11. tom. 1.*

30 Quod autem † plures tradunt, humana corpora in aliam speciem, & formam dæmonis opera posse transformari, & ideò striges in lupos, cattos, simias, porcos, equos, asinos, & in alia animalia dæmonum virtute esse conversa, & quæque necessaria portare, & post peracta opera ite-

rum ad se redire, nec fieri in eis mentem bestialem, sed rationalem, humanamque servari, non fit verisimile, nam nulla arte, vel potestate animus, sed, nec corpus quidem aliqua ratione in membra, vel in lineamenta bestialia veraciter converti potest, sed phantasticum hominis, quod etiam cogitando, sive somniando per rerum innumerabilium genera variatur: & cum corpus non sit, corporum similes formas mira celeritate capit; sopitis autem, & oppressis homini sensibus corporeis, ad aliorum sensum figura corporea perducitur potest. Ita tamen, quòd corpus ipsum hominis alicubi jaceat, vivens quidem, sed multò gravius, atque oppressius, quam somno suis sensibus obferatis: phantasticum autem illud, veluti formatum in alicujus animalis imaginem alienis sensibus appareat, talisque homo sibi videatur, qualis sibi videri posset in somnis, portare onera, quæ onera, si vera sunt corpora, portantur à dæmonibus, ut illudant hominibus, partim vera onerum corpora, partim falsa, jumentum cernentibus, S. Aug. in *lib. de spir. & anim. cap. 26. tom. 2.* quem sequitur Major. de *admir. nat. reb. colloq. 2. §. hæc probantur, pag. mibi 99.* quod alijs pluribus rationibus, & auctoritatibus comprobatur, Martinus del Rio in *tom. 1. disquis. Magic. lib. 2. c. 17. §. prior conclusio, & quest. 18. §. sed quando, & per tot.* Potest tamen dæmon † maleficijs hominem adeo fascinare, ut à diabolo obfessus, se putet in lupum verti, atque humanas vorare carnes, cum illud efficiat lupus verus, & quandoque dæmon ipse corpus lupo per simile assumit, aut hominem in hujusmodi forma ab alijs videri facit, Syl. de *Strig. lib. 2. cap.*

cap. 8. punct. 4. & Majol. ead. colloq. 5. quæ
verò pag. 100. habet enim dæmones pote-
statē supra phantasiā hominis, eamque
alienare, ut videatur bestia, seu bestiale
animal, eum non sit, Andr. de Iser. in tit.
de pecul. amat. in ver. & quamquam verita-
tem in const. Regn. Sicil. per D. August.
libr. 18. de Civit. Dei, cap. 18.

52. His insidijs ꝑ Satan, non tantum ani-
mas, quas assidue indefessus oppugnat, sed
etiam corpora, impetit, non tantum
spiritualis, quam corporeæ salutis everfor,
sed ut ad rem redeam, in hoc genere
aliud impurissimus ille molitur, non mi-
nus damnosum, nam, quos habet dæma-
naræ illius artis cultores, s; magicis arti-
bus alicui noxā intulerint, aut ligaturis
matrimonia contracta dissolverint, aut
contrahenda impederint, eosdem per-
versè docet, salubria supersticiosi modis
remedia profiteri, & fascinosos in grave
scelus impellere, & unde vulnus illatum,
inde medicina petatur, & altera manu
venenum propinent, altera polliceri pos-
sint antidotum. His dolis instructus, &
arte pelagæ Satan divinum nomen affe-
ctans, miseros captat innumeros, diris
secum flammis, nisi respuerint, excru-
ciandos. Hic illi quæstus existit uberri-
mus. Nam multi hoc nomine decepti,
corporeæ potius, quam spiritualis salutis
avidī, dum aliquid mali ab huiusmodi
belluarum peste, aut aliunde, accepisse
suspiciantur, non ad divinam opem ora-
tionibus, alijve pijs operibus imploran-
dam, confugiunt, non peccata, tanquam
veram huiusmodi malorum causam, ex-
trudere pœnitentia student, sed malefi-
cos, striges, & sortilegos consulunt illo-
rum more, qui à scorpionibus isti ab eis-

dē solēt remediū petere, plus in diabolica
arte, quam in divino subsidio confiden-
tes, contra illud, *Levit. cap. 19.* Non de-
clinētis, inquit Dominus, ad Magos, nec
ab ariolis aliquid sciscitemini, ut pollua-
mini per eos, & ꝑ quā hoc crimen Deo
exosum sit, multis in locis litteræ sacræ
testantur, & præsertim in ead. *Levit. cap.*
20. Anima inquit Dominus, quæ decli-
naverit ad magos & ariolos, & fornicata
fuerit cum eis, ponam faciem meam con-
tra eam, & interficiam illam de medio
populi sui, & in *1. d. cap.* vir sive mulier,
in quibus Pythonicus, vel divinationis
fuerit spiritus, morte moriantur, lapi-
dibus obruent eos, sanguis illorum sit su-
per illos & in *Deut. cap. 18.* Non invenia-
tur in te, qui lustrat filium suum, aut fi-
liam ducens per ignem, aut qui ariolos
sciscitetur, & observeat somnia, atque
auguria, nec sit maleficus, nec incanta-
tor, nec qui Pythones consulat, nec di-
vinos, aut quærat à mortuis veritatem.
Omnia enim hæc abominatur Dominus,
& propter istiusmodi scelera delebit eos
in introitu tuo. Hæc moyses, sic decipiun-
tur à Diabolo incauti homines ad venefi-
cos, & magos divertentes, qui dum exe-
cratissimæ arti, & ejus artifici Satanz
consentiunt medicinam quærentes, vel
quid simile grave peccatum admittunt,
& æternam sibi mortem inveniunt. Non
tamen reticebo sæpè numero fieri, ut
huiusmodi belluz falsa pronunciet, &
varia pro medicina venenum tribuant,
Deo sic permittente, juxta illud. *Isaiæ c.*
44. Irrita faciens signa divinorum, &
ariolos in furorem vertens, & apud *Isaiã*
cap. 47. veniet super te malum, & nes-
cies ortum ejus, veniet super te miseria,
quam